

HAPXA QUIH OOT COP CÖIHAASITIM AC


Roberto Herrera T.

Tiix oahiha




Oot tintica toc contita hant z itaao toc contima.


Ox ipacta iti zaaj pac haquix tahcama cösiifp tama hapxa
zo toc copoomihox toc cöpoopiho oxah zo haiiha.



Hapxa ticom oot cop itaho halx itiixim halx ij cöcahii hax tahii hax tama ziix quih iti cöpopactata ziix quih iti cöiszaxö zo haa cösiihca ac z ipacta z imaa hax tahii hax ma xo zaaj quih izc quih coleecp coom com iti tinol coleequi iteetol toc cötap yoque.



Oot timoca tiix hapxa cop hanso ihahit cöimzo taaxo toc
cöcahca ihaha.



Ox tpactama oot timoca ziix ticop iso*j* ihaai tahaco imiiho xo
ziix iti cöiha z imaaha.

Ox tpactama ox imii cöiyaasitimiha:

—He hizac iti cöhihiip ac zaaj quih ize hipcom toii hmeetol taax toii cöhiheetol ac ihpooatxtax taax iti hant haaco iima timoca haa mosa tama hiz cötahcama taaxah ox tpactama hizac iti hptap zaaj hizcom toii hmeetol —ox imii hapxa com.



Ox. tpactama oot tintica icaitom tahac cöihii ac cöihoocta
ac halx iquiixim hax tahii hax tama hant z iqui tiinma hapxa
tintica mos tojozx hant ihmaa z iqui quiniha. Cöiyaasitimiha.

